

庚子日記
(二)

臺灣學生書局印行

高給諫日記卷五 辛丑

瀘州高栢澂蘭

光緒二十七年歲星在辛丑元旦晴和五十四度天
初明熟寐未醒六兒以敬神請余命其炊木炭而後
起敬神畢稍憩喫麵開筆九州太平萬事如意午
風丁亥在家過年戊子在嘉定己丑萬縣舟中自
是以後則在京城計去丁亥十四年矣瀘州過年元
旦小貿易人率皆藍布衫青布鞋青布馬褂沿街而
過但聞歡聲對揖曰新歲鬧熱恭喜恭喜蓋太平時
節猶有山樞蟋蟀之意焉近則抽收錢糧名目不一

拳匪大變駭人聽聞未知尙如舊日否 黃小澗言
除日電到允辦惟又以東三省爲言又一門坎 夜

茂來

初二日五十三度 與孟甫字問明日着何衣 夜茂
萱來商回川辦礦事 陳子均於奎制軍囑籌措時
自捐一萬並允籌三百萬具言按畝加征以足其數
已批准矣成都紳士以爲未可周玉山方伯乃改爲
六十萬省中坐鎮無人多有勸茂歸幫鐵船且庇桑
梓者予謂就一省論茂可歸就茂一人論未可歸以
礦務農桑皆難驟效茂已五十餘矣尙能忽然去忽

然來乎

初三日五十四度 十一下柏林寺掣籤向來御史分
道無掣籤例今因上西幸奏請准補後由吏部分道
又知會本人自往掣籤翰林記名者得四缺王祖同
嘯廷在行在由我等代掣王得陝西道予掣河南黃
曾源得浙江劉秉鈞湖廣于式枚江南楊味春江西
陳秉崧江南 予問翰林院皂役曾春以衙門燒於
幾時燒於何等人春曰燒於董軍因言五月二十六
日上午有拳匪一人爲查二毛昂然入院周視一番
出語院中人曰將請大師兄來由翰林院焚英館以

院後緊隣也當命廳官及科房人等伏拜無敢逆者
英館護衛兵在洋樓者見之跟蹤而來則已走院中
人奔避洋兵止之曰我等尋拳匪於汝無干奚奔爲
董軍百餘人麤集門外洋兵復語曰速收衣物董軍
來恐搶爾等洋兵鎗指之董軍皆逸洋兵歸董軍復
來擄劫而去次日燒衙門者則皆董軍也 返過晦
若談許久初三之諭明日到瓦帥言將續議賠欸有
眉目卽先撤保定兵次撤京城兵 山西綏歸道鄭
文清者奉天人戶部主事改捐道員赴山西稟到二
日卽委署六月有洋人游歷繪圖持護照到歸化往

謁拒之次日鄭卽往見將軍請兵五百歸入署傳該
洋人往使跪厲詞詰問洋人以執護照游歷爲言並
呈所繪圖鄭撕之命網縛洋人雙手插腰開疑其取
洋鎗也更命綁其手拖出轅門斬訖今公使敘其情
節交全權入告全權一面札飭自行回復將軍復文
與公使所敘無異鄭與將軍互相推諉全權據其回
復上陳上震怒命斬鄭於歸化更諭察哈爾都統奎
順再查該將軍此五百兵勇何故與之 夜萍三來
貴午橋先生謂徐啟乃袁許子弟暗中釀成袁有子
許無子洋兵入城旗宅有謂爲康所統者無乃視康

太大 夜深七兄呼門命敏爲算部中飯銀謂黃二
欲算吏不與算

初四日晨五十度 昨夜十一下後乃寐四狗吐四次
以醫館方過寒所致後疑是停食以開葷早所致

過孟甫宅奐如鼻瘡九愚孟育萍三皆到談次歸

金波與乃兄來值予他出遂同敏上街湏臾二汪回
留便飯 晚茂萱至由徐宅來石生來今日出街精
神較好 四狗兒吃薑水

初五日陰四十四度晨與趙棣園文靜山信交滬號轉
陳孫少來診四狗停奶也 縵卿孟甫先後來談

初六日五十一度風 請纓卿至爲四狗酌方藿香七分
分即仁一粒山查七分 子眞來夜茂萱未至有客
也

初七日五十度無風 四狗兒昨夜未吐初三服關中
館方有黃芩乃吐初五陳孫少方有竹茹枝仁亦吐
然則不可涼也明矣 晨敏出街歸言方搭棚啟徐
仍在市口無學無識以至於此可憐 纓卿金波來
夜茂萱來持子璫一箋封渠函內由救濟會來者似
是冬底臘初言九弟十月十八與信乃知爲京信不
通故上省並赴周方伯約 王場三女產後卒惋惜

之至前年十月才由此行今一年耳而遽不在悲乎
季明姪璿尙瞞之故九弟尙未知

初八日五十度 午刻茂萱來 啟徐以索禍首終於
市口無故而啟衅且喪身亦可憫已 留茂午飯後
去晚風

初九日四十四度風冷 四孫神氣太差七兄囑速以
參水飲之 孟甫得陝電已得鴻少同七兄往九愚
萍三亦到有言昨晚啟徐事畢卽起旋風人謂有白
蓮教等魂在彼又聞行在關名單上問徐用儀何以
未列名其未問立山耆意交刑部上知之出西市則

未知也又聞前者徐尙書用儀及袁許三公之出也
徐承煜以刀手未剄順治門閉焦躁催逼至欲劾廣
西司遣問趙趙命速送出如遲一日或竟免亦未可
知如此則徐趙其能免乎

初十日四十四度

飯後申甫同羅星農

雲慶營山人
晦若表弟

來拜去後申甫復回留午飯 五下赴孟甫之招歸

陪申甫夜談避兵出保層層冒險歷歷如繪 七哥

交出達宣信

函已回省賂干
餘其弟婦關

十一日四十四度 飯後申甫同敏過廠肆余由伏魔

寺至汪宅一坐而歸 夜茂萱來 四狗兒小便白

色用黑薑黨參法夏陳皮

十二日四十四度 午申甫進城 四狗乳後稍卧醒
後作翻卽吐口水痰若微有浮熱四女往陳家看脈
季襄謂四狗與熱則減寒則吐脾胃虛弱恐成慢脾
開眞武夾理中之劑四女肝熱氣急火上灼致有吐
紅之症不可大意云云茂萱來持示璫前來箋及所
回信具列保養之法飯後不兀坐行步拜跪睡不思
夜不煙

十三日五十四度 四狗仍不啼不動
服陳方後敏以理中
地黃湯與服 奠如九愚來 張玉叔來尋印結爲

廖廉能告假 夜茂萱來 電諭晉昌清銳壽長著
迅速來京不得逗留

十四日五十一度 四狗有痰風出面又以薑汁與飲
又用黑錫丹研末飲之 縵卿金波來 賠款兩價
一七十五兆年限短一三十五兆年限長均不取之
地土不取之民間由洋在漕折及鹽務陋規上自行
設法取償 萍三來以所作西市烏見示頗老到萍
於四狗方加白附子 夜石生來言賠償三萬五千
萬不取官民由漕鹽中飽處取償包海運 四狗兒
今日甚險予氣怯弱畏聞此

十五日五十三度 四狗服萍酌方後癘疫化爲清痰
抽掣止昨夜至今小便四次眼珠較昨日活動舌亦
稍靈初五夜四狗兒見有黃衣老娘立屋中或曰送
子娘娘也今日敬之 往孟宅萍先往昨夜張錫均
門房失火有洋兵在對門街兩頭又各站一人遂無
一匪敢闖入美官戴利生親督兵弁往救指揮上房
折火須臾而熄 十二月二十五開復五大臣之論
有詞意均涉兩可一語洋使語如此則五大臣豈亦
請攻使館乎論涉含糊與事理不合如是而開復其
官人心不愜應更正聞已照會去

十六日午四狗兒殤體氣胖大去年九月初六感冒咳嗽時減時加臘底已愈正初又咳服方有黃岑乃吐服消導藥致慢脾瘞之於老館東義園 金波來近來教案往往因道府督催速了以致奸民慫恿教民勒索賠償圖事後均分索賠愈多民心愈憤好勇鬥狠者又布散流言乘機起鬧以圖家家打教爲擄劫之資卽如上年涑水縣高樓村教案起事不過口角保定教士書函但曰村民罵敝教爲邪教請斟酌責罰並無他言清河道高驂麟乃與易州朱乃恭飛文稠疊緊催速了其初需錢六十千該州嫌少謂不似

教案不好看遂陡長爲千數百金且多格外要挾之事此皆莠民間道州之言陰窺朱某之心爲之也該縣堅持不加將教案了息後被劾去官而高樓村原止教民六家者遂驟添爲數十家村民憤而習拳放火殺人戕官因之以起此可見道府督催之有損無益也吳橋縣勞令乃宣謂拳起山東者推其邪教之宗派也至殺教多人實始涑水

八月十四日諭旨亦云然蓋久久

考核而後確焉夫州縣爲親民之官本地民情自較道府爲明晰應請嗣後凡有教案卽由州縣一手辦理道府但以能了與否持平與否核州縣之考成不

得妄囑添錢致生枝節

一 中國民人祖父在教而子孫尙馴良者或經涉詞訟始行入教者每藉護符釀爲爭鬥在教士遠來傳教固喜誘掖之多豈不望太平之福應令嗣後凡入教者教士應詰以目前有無詞訟案件必無別情而後准入清其始基自免釀事

一 凡遇有教案地方其邑內住有教士者應面會本官與之說明情由不得用人傳語以致傳聞失實或邑內無教士者亦聽本官與教士信函往復公平定斷一 凡各國或尙耶穌或尙天主教或尙佛教並行不悖想